

共陸卷

懷集縣志

壹卷

卧雪堂藏

同治十一年壬申續修

懷集縣志

板藏尊經閣

續修懷集縣志叙

百里古侯國也邑之乘卽國之
史也其中城郭人民學校軍政
與夫防邊弭盜諸大端皆有一
代之成憲而法戒備焉膺斯土
者欲因革損益以奠安吾民則

考鏡莫詳乎是懷自咸豐後兵
燹頻經陷城者再蓋多事之秋
也同治辛未余下車伊始訪求
故志則原板已燬其遺編卒皆
闕軼而不可讀且自乾隆乙亥
顧侯重修而後迄於今風會亦

既殊矣俯仰上下人民之聚散
城郭之滄桑軍籍之盈虛學校
之隆替與夫邊嶠蠻徭之負隅
潢池赤子之盜兵天道循環人
事遷變而方冊缺如者蓋一百

一十八年

天子重民社之寄當事者坐聽往迹
銷沉典章汨沒其何以重地方
而振吏治哉前任貴君雲翥始
倡修葺尋受代去壬申余詳請
列憲屬曾孝廉滋仁爲總纂時檔
案已散文獻無徵乃廣搜博採

余時爲商定十月又受代去後
任趙君子繩復詳爲釐正越年
而書始成凡十卷夫前事者後
事之師也猶是城郭人民而安
危何以異猶是學校軍政而興
廢何以異猶是弭盜防邊而治

亂剿撫何以異遺編三復當必
有恍然思憬然悟者昔朱文公
治郡所至必取圖籍周覽詳究
務於國計民生有濟則志之有
關於政治而法戒於後世者誠
匪細也而況修於多事之秋也

猶憶蒞懷之日嘗以拙名齋離
亂後竊欲與時休息以奠安吾
民固無殊功異政可附宦蹟諸
公後心滋愧焉懷之人士幸戎
馬之既靖際

聖代之文明植學砥行以增光邑乘

是則余之所厚望也夫

同治十二年癸酉前署懷集縣

知縣燕山孫汝霖撰

懷志自乾隆乙亥重修而後時
異世易原板既燬遺編零落地
方遇有政事無從考証不早修
葺數十年後狃狻荒陋地方事
有不可問者矣同治七年戊辰
余承乏茲土卽慨然有重修之

志閱三載甫集師儒開局捐貲
採訪尋受代去後任孫君繼之
甲戌冬奉檄回任全書告竣舉
一百一十八年所失之人物宦
蹟選舉祀典以及地方治亂犁
然俱備余閱之輒然喜也顧兵

彙屢經文案無存搜羅匪易余
再爲考訂其間秩官軍籍與忠
義祠各案姓氏尙或有闕以及
近年書院新添之膏火養濟院
新捐之衣糧漏澤園新立之義
地諸如此類均應校定補載以

示將來未可待之後人者夫外
史掌四方之政風雲月露累牘
不書地方民生殲悉必載不獨
與各家文集異卽邑志與郡志
通志亦異爰屬舊日纂修局紳
乘此機會次第補刊自乾隆二

十年乙亥至光緒元年乙亥凡
一百二十一年全書經政亦庶
幾無遺矣

光緒元年歲次乙亥知懷集縣
事北平貴 蒸跋

